



Broj:02-11.15-2534-4/24  
Datum: 4.11.2024. godine

Na temelju člana 64. stav 1. tačka b) i člana 70. stava 1. i 3. Zakona o javnim nabavkama Bosne i Hercegovine („Sl. glasnik BiH“, broj 39/14 i 59/22) na Preporuku Komisije za javne nabavke broj:02-11.15-2534-3/24 od 28.10.2024. godine, putem konkurentskog zahtjeva za dostavljanje ponuda u postupku javne nabavke: *Nabavka i isporuka tableta za potrebe Općinskog vijeća Gornji Vakuf-Uskoplje*, općinski načelnik **d o n o s i**:

## **ODLUKU**

### **o izboru najpovoljnijeg ponuđača**

#### Član 1.

Prihvaća se Preporuka Komisije za javne nabavke broj: 02-11.15-2534-3/24 od 28.10.2024. godine i ugovor za javnu nabavku: *Nabavka i isporuka tableta za potrebe Općinskog vijeća Gornji Vakuf-Uskoplje*, dodjeljuje se ponuđaču **FACIT d.o.o. Sarajevo**, za ponudenu cijenu od **34.257,60 KM sa PDV-om** (29.280,00 KM bez PDV-a) kao najbolje ocijenjenom ponuđaču.

#### Član 2.

Ako nije uz ponudu dostavio, izabrani ponuđač je dužan u roku od **pet dana**, od dana zaprimanja obavještenja o rezultatima ovog postupka javne nabavke, **dostaviti dokaze** propisane tačkom 4.1.4 tenderske dokumentacije.

#### Član 3.

Prijedlog ugovora o nabavci dostavit će se na potpis izabranom ponuđaču najkasnije u roku od deset dana od dana obavještanja učesnika postupka o izboru najpovoljnijeg ponuđača.

#### Član 4.

Ova odluka stupa na snagu danom donošenja i objavit će se na web stranici ugovornog organa, istovremeno sa upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj:02-11.15-2534/24 od 16.10.2024. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 29.300,00 KM.

Komisija za javne nabavke imenovana je Rješenjem broj: 02-11.14-682/24 od 18.3.2024. godine.

Obavještenje o nabavci broj: 914-7-1-30-3-23/24 objavljeno je na Portalu javnih nabavki dana 17.10.2024. godine, zajedno sa tenderskom dokumentacijom.

Komisija za javne nabavke je izvršila javno otvaranje blagovremeno zaprimljenih ponuda i sačinila Zapisnik o otvaranju ponuda broj: 02-11.15-2534-2/24 od 28.10.2024. godine.

Komisija za javne nabavke je dana 4.11.2024. godine dostavila Izvještaj o radu i Preporuku o izboru najpovoljnijeg ponuđača broj 02-11.15-2534-3/24 od 28.10.2024. godine u postupku javne nabavke: *Nabavka i isporuka tableta za potrebe Općinskog vijeća Gornji Vakuf-Uskoplje.*

U postupku po izvještaju o radu je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu prispjelih konačnih ponuda, o čemu je sačinila odgovarajuće zapisnike, u kojima je utvrđeno sljedeće:

- da su ukupno pristigle dvije ponude,
- da su blagovremeno zaprimljene dvije ponude,
- da nije bilo neblagovremeno zaprimljenih ponuda
- ponuda ponuđača EMADO d.o.o. Sarajevo je nepravilna u pravnom smislu u skladu sa tenderskom dokumentacijom, Zakonom o javnim nabavkama i podzakonskim aktima iz oblasti javnih nabavki, te joj se ne dozvoljava dalje učešće u toku postupka i predviđenoj E-aukciji
- ponuda ponuđača FACIT d.o.o. Sarajevo je prihvatljiva u pravnom i tehničkom smislu u skladu sa tenderskom dokumentacijom, Zakonom o javnim nabavkama i podzakonskim aktima iz oblasti javnih nabavki, te joj se dozvoljava dalje učešće u postupku.

Uvidom i detaljnim pregledom dostavljene i zaprimljene ponude EMADO d.o.o. Sarajevo, Komisija Ugovornog organa je konstatovala sljedeće:

Ponuđač uz ponudu **nije dostavio** uzorak tableta koji je predmet nabavke, kao i službeni dokument ( data sheet) proizvođača ( moze biti na engleskom jeziku) koji dokazuje da uređaj koji se nudi zadovoljava trazene specifikacije iz priloga 3. tenderske dokumentacije, a što je sve Ugovorni organ zahtjevao tačkom 6.9. podtačkom 6.9.1. tenderske dokumentacije broj: 02-11.15-2534-1/24 od 17.10.2024.godine.

Članom 53. stav (1) Zakona o javnim nabavkama („Službeni glasnik BiH“, broj 39/14 i 59/22), propisano je kako je Ugovorni organ dužan pripremiti tendersku dokumentaciju u skladu s odredbama ovog zakona i podzakonskim aktima. U tenderskoj dokumentaciji ugovorni organ daje potpune informacije o uslovima ugovora i postupku dodjele ugovora, a koji su kandidatima/ponuđačima dovoljni za pripremu zahtjeva za učešće, odnosno ponuda na stvarno konkurentskoj osnovi.

Članom 57. stav (1) Zakona o javnim nabavkama propisano je da su ponuđači dužni da se pridržavaju uslova i zahtjeva iz tenderske dokumentacije.

Članom 68. stav (4) tačka i) Zakona o javnim nabavkama propisano je da ugovorni organ odbacuje ponudu ako ponuda nije potpuna i ne ispunjava zahtjeve iz tenderske dokumentacije.

Tačkom 5.1.1. tenderske dokumentacije je propisano da su ponuđači obavezni da pripreme svoje ponude u skladu sa kriterijima i uslovima koji su utvrđeni u TD.

Naprijed navedeni članovi Zakona o javnim nabavkama su osnov za odbacivanje ponude navedenog ponuđača.

Kako je ponuđač EMADO d.o.o. Sarajevo dostavio ponudu koje nije potpuna i kompletna i koja nije u skladu sa odredbama Zakona o javnim nabavkama BiH, podzakonskim aktima i zahtjevima Ugovornog organa definisanim tenderskom dokumentacijom, Komisija ugovornog organa smatra da je takva ponuda nepravilna, te se navedeni ponuđač isključuje iz učešća u daljem toku postupka.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, općinski načelnik nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene kako slijedi:

	<b>Ponuđena cijena sa PDV-om za ugovor</b>
1. <b>FACIT d.o.o. Sarajevo</b>	<b>34.257,60 KM</b>

Iz navedenih razloga, primjenom člana 64. stav 1. tačka b) Zakona o javnim nabavkama Bosne i Hercegovine, odlučeno je kao u dispozitivu.

### **POUKA O PRAVNOM LIJEKU**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:

- Ponuđačima,
- a/a.

